

ATA a honra y gradici hubilarionan pa 5 te cu 35 aña di servicio



ORANJESTAD – Recien, Renaissance Convention Center a keda decora den estilo di 'Pirates of the Caribbean', na honra di miembran di ekipo di Aruba Tourism Authority. Esaki, pa celebra aniversario di 21 miembran di e ekipo cu hunto a celebra 220 aña di servicio. Esaki ta e di dos edicion unda A.T.A. ta celebra aniversario di su miembran di

ekipo desde cu Oficina di Turismo a comberti den un compania 'Sui Generis'.

CEO di A.T.A. Ronella Tjin Asjoe-Croes a labri e anochi ameno cu palabranan di elogio y aprecio pa e ekipo di A.T.A. expresando cu sin nos hendenan A.T.A. simplemente no por contribui di es manera cu e ta haci na turismo di Aruba. Tambe a aña

cu sin esfuerso di A.T.A. no lo a mira exitonan cu nos a conoce den nos turismo durante e ultimo añanan. Cada miembro di e ekipo ta aporta na e éxito di e compania y na e bienestar di nos industria turistico. Ademas, a expresa un palabra di danki tambe na famianan di e nominadonan pa nan aporte y sosten. Despues di e apertura, cada nominado di aniversario di A.T.A. a wordo presenta pa

un clip cortico di nan persona, unda un otro colega a bisa algo valioso di nan, haciendo e nominado un tesoro pa A.T.A. CEO di A.T.A. a entrega na cada nominado un aprecio personalisa den forma di un pendant cu e logo oficial di Aruba imprimi. Esunan cu a keda honra pa 5 aña di servicio ta: Nataly Arends, Marylin Feliciano, Ilka Figaroa-Lacle, Marouska

Heyliger, Sanju Luidens-Daryanani, Anita Rattan-Persaud, Darice Solognier, Isha Tapias-Kock, Jontsje Tilma, Ronella Tjin Asjoe-Croes, Maas van Drie y Dyane Vis-Escalona. Pa 10 aña di servicio a keda honra Jonathan Boekhoudt y Darline de Cuba. Pa 15 aña di servicio a keda honra Mario Arends, Sjeidy Dijkhoff-Feliciano, Rayon Koolman y Yuraima Solog-

nier. Pa 20 aña di servicio a keda honra Maureen Gomes-Werleman y mientras pa 25 aña a keda honra Amayra Boekhoudt. Finalmente, Theo de Jongh a keda honra pa 35 aña di servicio. Riba e potret adunto por mira e ekipo di A.T.A. durante e anochi ameno, celebrando nan aniversario.